



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

X. Erectio Custodiæ S. Petri de Alcantara in Regno Neapolitano.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Derogat contrariis.

authoritate Congregationis eorundem Cardinalium.

§. 13. Non obstantibus præmissis, ac Constitutionibus, & ordinationibus Apostolicis, necnon dicti Ordinis, aliisque quibusvis etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum inferis habentes, illis alias in suo robore permanentibus, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Anno Piscatoris die 30. Augusti 1670. Pontificatus nostri Anno primo.

I. G. Slusius.

Registrata in Secr. in lib. Brevium mensis Septembris par. 1. fol. 213.

Edit. 30. Aug. 1670.

X.
Die 30. Sept.
1670. An. 1.

Ereçtio Custodiæ S. Petri de Alcantara Minorum Discalceatorum S. Francisci in Regno Neapolitano.

Dilecto filio nostro, & Apostolicæ Sedis in Regno Neapolitano Nuntio.

CLEMENS PAPA X.

Dilecte fili Salurem, & Apostolicam benedictionem.

Nunc primū impressa.

De reformatione fratrum Conventualium, eorumque transitu ad aliam Religionem laicam, vel strictiorem, vide Constit. 8. & Constit. 32. Clem. IX.

Apostolicæ servitutis Officium, quod inscrutabilis sapientiæ, atque clementiæ Dei altitudo humilitati nostræ, meritis licet, & viribus longe impari, committere dignata est, exigit, ut paternam Religiosorum virorum divinis obsequiis sub suavi ætioris vitæ jugo mancipatorum, propriæque, & alienæ salutis laudabiliter incumbentium curam gerentes, cæteribus illorum stabilendis, prosperoque, & felici eorum regimini, & gubernio peculiari charitate intendamus, ac Pastoralis muneris nostri partes desuper interponamus, sicut ad Omnipotentis Dei gloriam Religionis incrementum, & animarum salutem expedire in Domino arbitramur.

Exordium.

Series facti.

§. 1. Exponi siquidem nobis nuper fecit dilectus filius nobilis vir Petrus de Aragonia Dux de Segorbe, & Cardona Regno Neapolis Prorex, quod alias fel. rec. Clemens Papa IX. prædecessor noster, Conventum S. Lucie de Monte Neapolitano olim Fratrum Reformatorum Ordinis Minorum S. Francisci Conventualium nuncupatorum, Fratibus Discalceatis Hispaniæ Provinciæ S. Petri de Alcantara Ordinis Minorum ejusdem S. Francisci de Observantia nuncupatorum pro eorum habitatione, adhuc ut missionibus ad spirituales militum Hispanorum Neapoli degentium, prout eatenus fructuose fecerant, operam in postremo dare possent, concessit, ac Fratibus Conventualibus Reformatis qui in eodem Conventu reperiebantur, indulgit, ut inter Fratres Discalceatos hujusmodi incorporari possent, intento, quod reformationem eorundem Fratrum Conventualium extinxerat, & id ipsum permisit quoque Fratibus Conventualibus Reformatis in aliis quatuor ejusdem instituti Conventibus in Regno prædicto consistentibus, nempe S. Mariæ gratiarum de Squinzano, S. Jacobi Licien., Sanctæ Catharinæ Graemi, & S. Joannis Baptistæ de Trippalta respectively degentibus; qui Fratres vigore licentiæ hujusmodi institutum prædictorum Fratrum Discalceatorum amplexi sunt, memorato Conventu S. Lucie dictæ Provinciæ S. Petri de Alcantara Hispaniarum incorporato remanente: Et considerato per eundem Clementem

prædecessorem, quod dictus Conventus nec bene gubernari, nec sustentari poterat sine instituti sui detrimento, si solus remaneret; visum est ipsi Clementi prædecessori ex eodem S. Lucie, & aliis quatuor Conventibus prædictis institui Custodiam per Custodem Provinciale gubernandam, cum Minister Provincialis dictæ Provinciæ in Hispania residens, propter locorum distantiam Custodiæ hujusmodi curam gerere non posset. Verum suspensa fuit hujus intentionis dicti Clementis prædecessoris institutio, quia Fratres Minores Conventuales allegarunt Conventus prædictos ad se spectare, quippe qui eorum expensis pro Fratibus Reformatis eorum Ordinis ædificati fuissent, & hujusmodi allegationis prætextu, literas Apostolicas in simili forma Brevis expeditas obtinuerunt, ad hoc ut exclusis Fratibus Discalceatis, dicti Conventus eis consignarentur; sed hæc literæ executioni mandata non fuerunt, eo quod repertum fuit eosdem Conventus esse de jure patronatus fundatos ab incolis ipsorum Oppidorum, eorumque Dominis, qui ingressui dictorum Fratrum Conventualium, ac egressui memoratorum Fratrum Discalceatorum in eis tunc hodieque degentium minime consentiebant, & hujus Sanctæ Sedis determinationem super erectione Custodiæ hujusmodi expectandam esse censebant.

§. 2. Cum autem, sicut eadem expositio subjungebat, prædictus Petrus Dux, & Prorex, S. Lucie de Monte, & alios quatuor Conventus supra dictos in novam Custodiam, quæ institutum, doctrinam, & cæremonias S. Petri de Alcantara servare debeat, ad Dei gloriam, ac tam Hispanorum, quam aliorum Regni prædicti incolarum spirituales ædificationem, bonorumque operum incrementum a nobis erigi, & institui, ipsiusque novæ Custodiæ Custodem, & Diffinitores pro hac prima vice authoritate nostra deputari plurimum desideret: Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 3. Nos igitur piis ejusdem Petri Ducis, & Proregis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, discretioni tuæ per præsentibus committimus, & mandamus, ut veris existentibus narratis, & auditis illis quorum interest, prædictos quinque Conventus Fratrum Discalceatorum Provinciæ S. Petri de Alcantara Hispaniarum Ordinis Fratrum Minorum S. Francisci de Observantia nuncupatorum, videlicet S. Lucie de Monte Neapolis, S. Mariæ gratiarum de Squinzano, S. Jacobi Licien., S. Catharinæ Grami, & S. Joannis Baptistæ de Trippalta, in novam Custodiam sub prænarrata Provincia S. Petri de Alcantara, quæ pro tempore existentis Commissarii generalis, vel Ministri generalis dicti Ordinis, quando ex familia Cismoniana fuerit, quemadmodum in literis d. Clementis prædecessoris circa prædictum Conventum S. Lucie de Monte in forma Brevis emanatis ordinatum reperitur, omnimodæ jurisdictioni, visitationi, & correctioni immediate subiaceat, Provinciam tamen S. Petri de Alcantara prædictam tanquam Matrem agnoscat, ita ut reciproca suffragiorum pro defunctis utriusque illorum communicatio fiat juxta discretam distributionem pro numero personarum faciendam; ipsaque Custodia deinceps post hanc primam vicem per unum Custodem, & quatuor Diffinitores, ac Guardianos Conventuum

Preces Petri de Aragonia Regni Neapolis Proregis.

Quinque Conventus in Regno Neapolis Fr. Discalceatorum S. Petri de Alcantara mandati erigi in Custodiam prout in rubr.

Post hanc primam vicem mandati regi

1670.
per unum
Custodem,
& quatuor
Diffinitores,
ac Guardianos
regi prout in
rube.

Gaudeat om-
nibus privi-
legiis, &
gratis qui-
bus gaudent
alix Custodi-
e ejusdem
Ordinis.

Pro hac pri-
ma vice pro-
videt de Cu-
stode, & Dif-
finitoribus
ad triennium
duraturis.

Decretum
irritans.

Derogat
contrariis.

ex corpore ejusdem Custodiæ, juxta Constitutio-
nes, & stilum ordinis hujusmodi eligendos regi,
& gubernari debeat, autoritate nostra Aposto-
lica perpetuo erigas, & instituas; ac ejusdem
Custodiæ sic erectæ, & institutæ Custodi pro tem-
pore existenti, ut eandem in suæ Custodiæ aucto-
ritatem, & facultatem habeat, quæ per literas
Apostolicas, aliis omnibus ejusdem Ordinis Custo-
dibus ab hac S. Sede concessa reperitur; ipsa vero
Custodia, ac illius superiores, & Fratres omnibus,
& singulis privilegiis, prærogativis, gratiis, & in-
dultis, quibus alix Custodiæ Ordinis hujusmodi,
illarumque superiores, & Fratres ex concessione
dictæ Sedis utuntur, fruuntur, & gaudent, ac uti,
frui, & gaudere possunt, & poterunt in futurum,
pari modo, & absque ulla profus differentia uti,
frui, & gaudere libere, & licite possint, & valeant,
dicta auctoritate concedas, & indulgeas.

§. 4. Præterea eidem novæ Custodiæ de ido-
neis Custode, & Diffinitoribus, qui illam, adju-
vante Dño, salubriter dirigant pro hac prima vi-
ce providere cupientes, ac de infracriptorum
Ordinis prædicti professorum fide, prudentia,
charitate, vigilantia, integritate, & Religionis
zelo plurimum in Dño confisi, eidem discretioni
tuæ harum serie committimus, pariter, & man-
damus, ut dilectos filios Joannem de S. Bernardo
in Custodem, ac Bartholomæum immaculatæ
Conceptionis, alias de Peçorano, Andream
Massiam, Carolum delle Piaghe, & Josephum de
Robles Fratres discalceatos supradicti ordinis Sa-
cerdotes expresse professos in Diffinitores novæ
Custodiæ hujusmodi respectivè ad triennium tan-
tum in officiis hujusmodi duraturos, cum omni-
bus, & singulis privilegiis, prærogativis, præ-
minentiis, auctoritate, facultatibus, gratiis, &
indultis, ac honoribus, & oneribus solitis, & con-
suetis eadem autoritate deputes, atque consti-
tuas; ipsique Custodi, & Diffinitoribus sic depu-
tatis, Guardianos Conventuum dictæ Custodiæ
capitulariter eligendi facultatem dicta authorita-
te impertiaris: Nos enim quancumque necessa-
riam, & opportunam ad præmissa facultatem
tibi harum serie autoritate prædicta tribuimus,
& impertimur.

§. 5. Decernentes easdem præsentis literas,
omniaque, & singula in illarum executione a-
te, ut præfertur, facienda, valida, firma, &
efficacia existere, & fore, suosque plenarios &
integros effectus sortiri, & obrinere, ac illis ad
quos spectat, & pro tempore spectabit, in omni-
bus, & per omnia plenissime suffragari, & ab eis
respectivè inviolabiliter observari: Sicque, & non
aliter in præmissis per quoscumque Judices ordi-
narios & delegatos, etiam causarum Palatii Apo-
stolici Auditores, ac etiam S. R. E. Cardinales
etiam de Latere Legatos, & Sedis prædictæ Nun-
cios, sublata eis, & eorum cuilibet quavis ali-
ter judicandi, & interpretandi facultate, & au-
thoritate, judicari, & definiti debere; ac irri-
tum, & inane si secus super his à quoquam qua-
vis autoritate scienter, vel ignoranter contige-
rit attentari.

§. 6. Non obstantibus præmissis, ac Consti-
tutionibus, & ordinationibus Apostolicis, necnon
quatenus opus sit, Ordinis, ac Provinciæ, & Con-
ventuum hujusmodi, aliisque quibusvis etiam ju-
ramento, confirmatione Apostolica, vel quavis
firmitate alia roboratis, statutis, & consuetudini-
bus; privilegiis quoque, Indultis, & literis Apo-
stolicis in contrarium præmissorum quomodolibet
concessis, confirmatis, & innovatis. Quibus
omnibus, & singulis illorum tenores præsentibus
pro plene, & sufficienter expressis, & ad verbum
insertis habentes, illis alias in suo robore per-
mansuris, ad præmissorum effectum hac vice
dumtaxat specialiter, & expresse derogamus, cæ-
terisque contrariis quibuscumque.

Datum Romæ aqud S. Mariam Majorem sub
Annulo Piscatoris die 30. Septemb. 1670. Pon-
tificatus nostri anno Primo.

I. G. Slufius.

Registrata in Secretaria in lib. Brev. Mensis Sep-
tembris 1670.

Indulgentia plenaria perpetua pro Visitantibus
Ecclesiæ Ordinis Sanctissimæ Trinitatis Red-
emptionis Captivorum tam erectis, quam
erigendis in festis SS. Joannis de Matha, & Fel-
icis de Valois Fundatorum ejusdem Ordinis.

CLEMENS PAPA X.

Ad futuram rei memoriam.

R Edemptoris, & Domini Nostri Jesu Christi,
qui gloriosos saluberrimorum, quæ Nobis
reliquit, exemplorum sectatores aliis decoravit
honoribus, & cælestis beatitudinis consortes effi-
cit, vices, licet immeriti, gerentes in terris, spec-
cialium munerum thesauros, quorum dispensa-
tores à Domino constituti sumus, libenter ero-
gamus, sicut ad fovendam, & incitandam fide-
lium devotionem salubriter expedire in Domi-
no arbitramur.

§. 1. Itaque præclara Sanctorum Joannis de
Matha, & Felicis de Valois Fundatorum Ordi-
nis Sanctissimæ Trinitatis Redemptionis Capti-
vorum merita devote recolentes, ac ad augen-
dam fidelium religionem, & animarum salutem
cælestibus Ecclesiæ thesauris pia devotione inten-
ti, nec non de Omnipotentis Dei misericordia,
& Beatorum Petri, & Pauli Apostolorum ejus
auctoritate confisi, omnibus, & singulis utrius-
que sexus Christi fidelibus vere penitentibus, &
confessis, ac sacra Communione refectis, qui ali-
quam ex Ecclesiis Fratrum tam Calceatorum,
quam Discalceatorum, & Monialium dicti Ordi-
nis hæcenus erectis, & in futurum quancum-
que erigendis, ac ubicumque locorum existentibus,
eorundem Sanctorum Joannis de Matha,
& Felicis de Valois festis diebus à primis ves-
peris usque ad occasum solis festorum hujusmodi,
annis singulis devote visitaverint, & ibi pro Chri-
stianorum Principum concordia, hæresum extir-
patione, ac Sanctæ Mariæ Ecclesiæ exaltatione
pias ad Deum preces effuderint, quo die festo
præfatorum id egerint, plenariam omnium pec-
catorum suorum indulgentiam, & remissionem
misericorditer in Domino concedimus perpetuis
futuris temporibus valituram.

§. 2. Volumus autem, ut ipsarum præsentium
literarum transumptis, seu exemplis, etiam im-
pressis, manu alicujus Notarii publici subscriptis,
& sigillo personæ in Ecclesiastica dignitate con-
stitutæ munitis, eadem prorsus fides ubique ad-
hibeatur in judicio, & extra, quæ adhiberetur
ipsis præsentibus, si forent exhibitæ, vel of-
fensæ.

Datum Romæ apud Sanctam Mariam Mayo-
rem sub Annulo Piscatoris die 20. Decembris
1670. Pontificatus nostri anno Primo.

I. G. Slufius.

Registrata in Secretaria Brev. lib. 1. Diversor.
fol. 636.

Declaratio super Innovationibus factis circa pro-
visiones Ecclesiarum Metropolitanarum, & Ca-
thedralium Regnorum, Portugalliæ, & Al-
garbiorum, eorumque Indiarum, & Conqui-
starum, post decessum Regum Sebastiani, &
Henrici, quod per eas principaliter, vel acces-
sorie, sive antecedenter, vel consequenter,
aut concomitanter, vel alias quomodolibet
factarum, juribus Coronæ Portugalliæ nullo

modo

1670.
Edita die 30.
Sept. 1670.

XI.
Edita An. D.
1670.

Nunc pri-
mum edita.

Exordium.

Indulgentiæ
plenariæ per-
petuæ pro
Visitantibus
Ecclesiæ Trini-
tatis in festis
ut supra.

Transumptio-
rum fides.

Edita die 20.
Dec. 1670.

XII.
Edita An. D.
1670.